



Liebe Kinder der Kindertagesstätte Eichgüetli. Wir vom Kita-Team vermissen euch. Vielen Kindern ist es zurzeit nicht möglich zu uns zu kommen. Darum kommen wir zu euch. Wir haben verschiedene Geschichten unserer lieben grauen Maus geschrieben und hoffen, dass ihr so immer wieder mal kurz gedanklich mit uns in der Kita seid. Wir wünschen euch und euren Eltern viel Spass beim Lesen.

Teil 8

Ds Müüsli hed plötzlech gmerkt, dass es sehr müed isch. So viu nüwwi Sache heds ir Kita dörfe entdecke.

„Ohh, ig gloube itze gani zersch ga schlafe. U nämlech gad ufs Sofa, wo itze so schön im Kreislizimmer steit.“



Guet Nacht liebi Muus.

Am nächschte Morge ghört ds Müüsli ganz viu Chinderstimme. Äs steit uf u luegt id Garderobe.



Juhuiii, itze sy aui Chinder wieder ir Kita! Das fröit ds Müüsli sehr.
Äs schliicht ganz liislig d Stäge abe use i Garte.



„So, itze isch Zyt, das ig mi zrügk zieh. Ig mache wieder a de Chinder Platz“, dänkt ds Müüsli.

Ds Müüsli hed nämlech ganz e schwäre Buuch, äs hed es Bébéli dinne.
Äs versteckt sich im Efeu u wartet, bis aui Chinder ir Kita sy.



Mit vile schöne Erinnerige loufts langsam zum Komposchtchübu u geit ine.



Ds Müsli macht us Zibelehütsche es Näschtli für die junge Müsli.

Lueget nume Chinder i dä zwöi Fiumli, wie schön warm das es im Komposcht isch u es hed immer Räschte vom Gmüesdip u Öpfubütschgi vo dä Kitachinder. Merci, dass ihr o a mi dänket.

Liebi Chinder, itze isch die Müsliigschicht ds Änd. Schön, dass ihr wieder aui zu üs chömet. Mier Kitafroue u Manne fröije üs sehr, dass wieder viu los isch by üs. Zäme lache, spile, ässe, Gschichte lose u no viu meh.

Ganz e liebe Gruess vor GRAUE MUUS u häbets aui ganz guet!

8. Teil gschribe vor Ines

